



Inicijativa za REKOM
Initiative for REKOM
Иницијатива за РЕКОМ
Nisma për KOMRA
Pobuda za REKOM

Koalicija za REKOM poziva na prekid ćutnje o tajnim grobnicama i sudbini nestalih

29.08.2012.

Povodom Međunarodnog dana nestalih, Koalicija za REKOM poziva vlade iz post-jugoslovenskih zemalja da prekinu ćutnju o tajnim grobnicama, jer ona najviše doprinosi održanju javne kulture ćutnje o tome šta se dogodilo u prošlosti.

Koalicija upozorava da nepostojanje tijela žrtava ima poguban učinak na stvaranje koherentne kulture sjećanja na žrtve. Kada nema fizičkog prisustva mrtvih, posmrtnih ostataka, sahrane, tradicionalnih posmrtnih obreda i grobnih mjesta, kako pamtiti mrtve? Nepostojanje tijela uskraćuje porodicama i društvu fizički simbol sjećanja na žrtve. To je onda kamen temeljac za održanje javne kulture ćutnje o teškom naslijeđu prošlosti, odgovornosti i pravdi za žrtve.

Zbog toga, Koalicija za REKOM zahtijeva da prioritet u regionalnoj saradnji budu objelodanjivanje lokacija masovnih grobnica, ekshumacije, identifikacije i predavanje posmrtnih ostataka porodicama žrtava.

Činjenice

Prema podacima Međunarodnog komiteta Crvenog krsta (MKCK), tokom ratova na prostoru SFRJ nestalo je **34.883** osoba. Još uvijek se traga za posmrtnim ostacima **12.656** osoba koje se vode kao nestale. Za **1.762** nestalih poznati su podaci o lokaciji grobnice, dok je sudbina **10.894** osoba i dalje nepoznata.

U **Bosni i Hercegovini 8.603** osobe se i dalje vode kao nestale.¹ **Republika Hrvatska** još uvijek traga za **2.282** osobe, nestale u periodu 1991–1995. godine.² Ukupan broj nestalih tokom sukoba na **Kosovu** je **1.771**, prema MKCK, odnosno **1.842** prema podacima Fonda za humanitarno pravo. Podaci FHP-a pokazuju da je među nestalima Albanaca **1.326**, a nestalih Srba, Roma i pripadnika drugih nealbanskih etničkih zajednica **516**.

¹ Od tog broja, prema podacima Komisije za nestala lica Vlade Republike Srbije, **96** osoba su državljani Srbije, a prema podacima FHP-a **131** osoba su državljani Srbije i Crne Gore.

² Prema podacima FHP-a, **66** osoba su u vrijeme nestanka bili državljani Srbije i Crne Gore.